



HO'OU LU LĀHUI  
Regenerating Oceania  
13th Festival of Pacific Arts & Culture  
Hawai'i 2024

MO'OLELO HĀLĀWAI A KE KOMIKINA NO KA HO'OLAULE'A  
HANA NO'EAU A MO'OMEHEU PĀKĪPIKA 13

PO'AKAHI, 5 IUNE, 2023, I KA HOLA 3 'AUI.

MA O KA POLOKOLAMU HĀLĀWAI KELEKA'A'IKE ZOOM: HĀLĀWAI  
WIKIŌ/'AUKIŌ

**HO'OMAKA**

Ua ho'omaka 'ia ka hālāwai e ka Luna Ho'omalulu Ka'anā'anā i ka hola 3:05 'aui., nāna i aloha aku i ka po'e a pau ma ka Zoom.

Ua mālama ka Luna Ho'omalulu Ka'anā'anā i ke kīkolā. Ua hō'ea kino ka Luna Ho'omalulu Ka'anā'anā. Ua komo ka'awale nā Lālā Komikina Hussey, Keohokālōle, Onishi, a McClellan ma ka Zoom. Ua ho'oku'u 'ia nā Lālā Komikina Bento, de Silva, a me Pu'u.

Ua hō'ea pū 'o Alison Kato ma ka Zoom 'o ia ka 'elele o ka Loio Kuhina Elise Amemiya i ho'oku'u pū 'ia.

Ua noi ka Luna Ho'omalulu i ka Lālā Komikina Hussey e wehe i ka papa hana.

Ua hō'ike ka Lālā Komikina Hussey no ka pukana Iune o *Ka Wai Ola* o kēia māhina, a 'o ke aupuni ka mana'o nui āna i koho ai no ke 'ano e pono ai ke alaka'i pono 'ia o ka lāhui. 'Ōlelo mai 'o ia, 'o Iune ka māhina e hāpai 'ia ai ka Mō'i Kāne Kamehameha, a no'ono'o a'e ka po'e i nā paikau, ka ho'olei 'ana, a e holo ana kekahi mau Lālā Komikina i Wakinekona D.C. e komo ai i ka 'aha ho'olei o ka Lāpule. Ua 'ōlelo mai 'o ia no ka loa'a o ka 'ehā kia ho'omana'o, a makemake nui 'o ia i ka no'ono'o, 'o ka mea o kona kaiaulu ka mea mua loa i nalowale, a loa'a hou mai, a i kūkulu hou 'ia. Ke no'ono'o a'e i kona mau hi'ohi'ona he alaka'i, ke 'ano āna i na'u aupuni ai, ke 'ano i na'i 'ole 'ia ai 'o Kaua'i, a me ke Kānāwai Māmalahoa a me ona mau hi'ohi'ona, makemake 'o ia e no'ono'o i nā 'ano like 'ole o ke alaka'i 'ana a pehea e noho kahu ai i nā ho'oilina ali'i. Ua ho'okumu 'ia kēlā me kēia ho'oilina ali'i na nā ali'i i no'ono'o i ko lākou po'e 'o ia ka mua. Ua kuhikuhi a'e 'o ia 'o ka ho'ona'auao ia no Kamehameha a me ke Kamāli'i Wahine Pauahi; a i 'ole paha ia, 'o ka Haukapila Mō'i Wahine no ka Mō'i Kāne Kamehameha IV a me ka Mō'i Wahine Emma; nā keiki 'ilihune no ka Mō'i Wahine Lili'uokalani; a 'o ke Kamāli'i Kāne Kūhiō ma ka ho'opaipai 'ana i ka 'Aha'ōlelo haole pū o kona mau lālā e koho pāloka i ke Kānāwai 'Āina Ho'opulapula Hawai'i he 100 a 'oi makahiki aku nei. Nui loa nā 'ano e alaka'i ai i ka lāhui. Ua hō'ike ka Lālā Komikina Hussey i kona minamina pinepine i kona 'ike 'ana aku i nā hana kū 'ole i ia pae. 'O nā hana 'ālunu mana ma kahi o ka no'ono'o 'ana i ka po'e, a 'o ia ka mea e pono ai ka lāhui. E 'ōlelo ana 'o ia no ka mea

nui 'o ke alaka'i 'ana i kahua no ka po'e, 'a'ole no ka 'ālunu mana. He pono 'ole ka ho'ohiki 'ana i kekahi mea a me ka hana 'ana i kekahi, 'o ia na'e ka mea e 'ike pinepine 'ia ana. Ho'omau ka Lālā Komikina Hussey i ka hō'ike i ke 'ano e nalu ai 'o ia ma kona 'ano he alaka'i pono a me ka hana 'ana i nā hana no ka pono o ka lāhui. Ua pani ka Lālā Komikina Hussey ma ka hāpai i kēia mana'o: "And whether that is at the national, state, county, whatever level leadership like that is, we need, we deserve pono leadership. And so, I always try to think, okay, am I the kind of leader that our lāhui deserves? Are my actions aligned with that and holding myself accountable to our lāhui? At the end of the day, we all work in political state structures, federal structures, and other structures. At the end of the day though, what is our accountability to our lāhui And I know in working with this commission and individuals and collectively, I have always seen the commission work toward the betterment of the lāhui and doing things that are right and making sacrifices for that. So, I just want to call that out to Mahalo for those, those models to emulate. And then those accountabilities, especially as I, you know, transition off, but are still in the community in support of good pono leadership. So, I just shared that chair with us, with our commission as wehena today." Ua mahalo ka Luna Ho'omalua Ka'anā'anā i ka Lālā Komikina Hussey i ka wehe 'ana i ka papa hana.

Ua hō'ōia ka Luna Ho'omalua i ka hō'ea kino 'ole 'ana mai o kekahi lālā o ke kaiāulu nui ākea ma ke ke'ena o ke Ke'ena Kuleana Ho'okipa o Hawai'i.

### **'OLELO HŌ'IKE A KA LEHULEHU**

'A'ohe mana'o hāpai i loa'a miki'ala mai ma mua o ka hālāwai o kēia lā. Ua kono ka Luna Ho'omalua i nā lālā o ke kaiāulu nui ākea e hō'ike mana'o no nā kumumana'o. No ka 'ole, ho'omau akula 'o ia i nā kumumana'o 'ē a'e.

### **KA NŪ HOU NO NĀ WĀ HUI I 'ĀPONO 'IA, ME KA HAHAI PONO 'ANA I KE KĀNĀWAI 103, KE KAU KĀNĀWAI O HAWAI'I 2021**

Ua 'ōlelo ka Luna Ho'omalua Ka'anā'anā i kona 'ike 'ana no ka hālāwai 'ana o ke kōmike wahi a papa hana, a ma ka hahai i ke kōnāwai, e nānā 'ia ia hana i 'ae 'ia ma ke kumumana'o 'ehiku. Ua mahalo pū ka Luna Ho'omalua iā Alison Kato i kona hui pū 'ana iā Elise i kahi 'ē. 'O Alison ka Loio Kuhina no ka hālāwai.

### **'ĀPONO I KA MO'OLELO HĀLĀWAI 22 MEI 2023**

Ua kāka'ahi mua 'ia akula ka mo'olelo hālāwai me ka nānā pū 'ia e nā Lālā Komikina. Ua noi ka Luna Ho'omalua Ka'anā'anā e 'āpono 'ia ka mo'olelo hālāwai 22 Mei, 2023. Ua hāpai 'ia e ka Lālā Komikina Hussey, a i kāko'o 'ia e ka Lālā Komikina Onishi. No ke kūkā hou 'ole aku, ua mālama ka Luna Ho'omalua i ke koho pāloka ma ke kikolā. Ua koho ka Luna Ho'omalua Ka'anā'anā a me nā Lālā Komikina Hussey, Keohokālolo, Lum, McClellan, a me Onishi e 'āpono i ka mo'olelo hālāwai 22 Mei. Me ka noho 'ana mai o nā lālā hō'ea, ua 'āpono 'ia ka mo'olelo hālāwai 22 Mei, 2023 me ia nō.

### **KA HŌ'IKE'IKE, KŪKĀKŪKĀ, A ME KA HANA PILI I KA PALAPALA HŌ'IKE A KA LUNA HO'OLAULE'A**

Ua hō'ike 'o Mika Salā i ka mo'olelo no ka ho'okō piha 'ia o ka 'aelike. Ua mahalo 'o Mika Salā i ka Lālā Komikina Lum i ka hō'eleu i ka 'ōnaehana i hiki ai ke ho'omaka i ka 'imi i nā limahana, ke kime ho'oka'a'ike, a me ka ho'opa'a 'ia o nā 'inikua e pono ai.

Ua hō'ike 'o Mika Salā e 'imi 'ia ana nā kime i helu 'ia a'ela ma mua o kekahi hālāwai, a nāna e

ho'oka'a'ike aku me nā Lālā Komikina 'ē a'e e like me ka mea e pono ai. Ua hō'ike pū 'o ia no ka ho'ouna 'ana mai o ka SPC he loiloi no kahi e kū nei ma ka ho'ohālike me nā mana'o alaka'i Ho'olaule'a Hana No'eau a Mo'omeheu Pākīpika. Ua loa'a mai nō iā lāua 'o ka Luna Ho'omalū, a 'o ia kā lāua e pa'u ana. Na Mika Salā e ho'oka'a'ike aku i ka nūhou piha no kahi e kū nei ma ka nānā i ka loiloi ma kekahi hālāwai, a pēlā pū ka ho'olako he papa manawa ho'okō i hō'ano hou 'ia ma ka nānā i ka 'aelike mālama ho'olaule'a me DBEDT. E hana pū 'o ia me ka Lālā Komikina Hussey a me ke kōmike ho'okele ma ka hō'ano hou i ka papa manawa ho'okō. Ua noi ka Luna Ho'omalū Ka'anā'anā e nānā laulā i nā mea kiko'i a ka SPC i noi ai, ua hō'ike pū 'o ia 'o ka pa'a o kekahi luna ho'okele ho'olaule'a kekahi o ia mau mea a hau'oli ke komikina i ka pa'a o ia mea. Ua hō'ike ka luna ho'omalū no ka hui ma'amau 'ana o lāua 'o Mika Salā me ka SPC e holo ai ka ho'oka'a'ike me ka 'imi he ala e holo kūpono ai ka 'ike i ka SPC. E hui pū 'o Mika Salā me ke Kauka Vaka'uta a me Letila Mitchell no ka hō'oiā i ka holo o nā 'ano pae ho'oka'a'ike a me ka hō'oiā i ka ho'ohiki i ka ho'oka'a'ike ma'amau 'ana me ka SPC.

Ua hō'ike ka Luna Ho'omalū Ka'anā'anā no ka ho'ihō'i 'ia o ka 'aelike i ka SPC, a aia nō ke nānā 'ia nei e ko lākou kime loio a me ka Loio Kuhina Amemiya, a ke holo pono nei nō.

Ua ho'omau 'o Mika Salā ma ka hō'ike no ka ho'omaka 'ana e ho'oka'a'ike me nā wahi a me ka ho'opa'a 'ana i nā 'aelike. Ua hō'oiā 'o ia no ka loa'a o Kelly mai ka Polynesian Cultural Center ma ka hālāwai a me kona mana'o e ho'oka'a'ike koke me ia. Ua mālama 'o ia he hālāwai me ka Hale Hō'ike'ike 'o Pīhōpa e 'ike ai i ke 'ano e kāko'o ai lākou a me ka mana'olana e pa'a koke nā 'aelike i ka wā e hiki mai ana. Ua hō'oiā mai 'o Mika Salā i ko ka Hale Ke'oke'o ho'omaka 'ana e ho'opili ma kekahi hālāwai ke'ena i ho'omaka e nānā kū pule i nā noi 'ehā. Penei nā noi 'ehā i ka pekelala:

1. Ka Loa'a o ka Wisa
2. Ka Palekana Olakino a Pepehi Mū
3. Ka Palekana
4. Ke Kālā

Ua mahalo 'o ia iā Georgette a me Erica i ke alaka'i i kēia hana, a aia nō 'o ia ke mālama maika'i nei i ka ho'oka'a'ike e hō'oiā 'ia ai ka holomua o nā hana. E holo ana ka 'ikepili i ke kōmike ho'okele a me ka Lālā Komikina McClellan ma ka 'ao'ao o ke ke'ena o ke kia'āina e hō'oiā 'ia ai ka lōkahi o ka 'ike o ka po'e a pau. Ua hō'ike 'o Mika Salā no kona holo 'ana i Hawai'i on the Hill a me ka mana'o e ho'opa'a i nā hālāwai me ka Lālā Komikina a Kenekoa Keohokālōle. Ua noi 'o ia e ho'olako nā Lālā Komikina e holo ana i D.C. i ko lākou ka'awale i hiki ai iā ia ke ho'opili aku iā lākou me ka po'e kūpono ma ka 'ao'ao pekelala. Ua mahalo hou 'o ia iā Georgette a me Erica i ke kūpa'a ma ka ho'opili me ke aupuni pekelala i puka pono ai ka Ho'olaule'a Hana No'eau a Mo'omeheu Pākīpika.

Ua pani 'o Mika Salā ma ka hō'ike he hālāwai kāna me ko ke Ke'ena Mahi 'Ai o ka Moku'āina Luna Ho'omalū, 'o Sharon Herd, a me kāna kime e kūkā 'ia ai ka pepehi mū a palekana ma hope pono o ka hālāwai. Ua hō'oiā 'o ia i kona kānalua i ka hō'ike i ka loa'a paha o kekahi ala pepehi mū me ka loa'a 'ole o ka methyl bromide. 'A'ole nō i pa'a pono, akā, ke nānā 'ia nei kēia ala 'elua, a ke lana nei nō ka mana'o. E loa'a ka nūhou hou aku ma kekahi hālāwai CPAC. No ka pūlima 'ia o ka 'aelike, ke hana pū nei me kekahi mau kānaka hou aku a me ka Lālā Komikina

Lum e kama'ilio 'ia ai ka pili 'ana o nā wahi a pau a me ke 'ano e ho'opa'a 'ia ai nā papa hana like 'ole. 'O ka hope, ua mahalo 'o ia iā Jimmy Collins o ke Ke'ena Homeland Security o Hawai'i me ke noi iā ia e aloha aku. Ua wehewehe 'o ia no kona 'ae 'ana e kōkua ma ka palekana a me ka pa'a pono o nā mea e pono ai ka hana pū 'ana o nā ke'ena. Ua hō'ike mai 'o Collins i kona ohohia i ke kōkua ma ka 'ao'ao pekelala. No ka lo'a 'ole o nā nīnau hou aku, ua ho'omau ka luna ho'omalulu i kekahi kumumana'o.

### **KA HŌ'IKE'IKE, KŪKĀKŪKĀ, A ME KA HANA PILI I KA NŪHOU MAI KE KŌMIKE PAPA LUNA HO'okele**

Ua ho'opane'e ka Luna Ho'omalulu no ka loa'a 'ole o ka nūhou no kēia kumumana'o.

### **KA HŌ'IKE'IKE, KŪKĀKŪKĀ, A ME KA HANA PILI I KE KŌMIKE WAHI A ME KA NŪHOU MAI KE KŌMIKE PAPA HANA**

Ua hō'ike ka Lālā Komikina Lum no ka hālāwai 'ana o ke kōmike ma ke 31, a no ko lākou nānā 'ana i kā Mike Mitchell hō'ike'ike mai ka SPC no ka palapala papa hana laulā. Ua ho'okuleana 'ia lākou ma ka nānā a no'ono'o i ka hahai a mākaukau lākou no ka hāpai he mana'o i kēia lā. He hō'ike'ike kā ke kōmike nona ka palapala papa hana laulā a me nā mana'o ho'oponopono hou aku a ke kōmike i ho'okomo ai. Ua helu papa 'ia nā "wae'anona papa hana" 'ehiku a lākou i 'āpono ai ma 'Apelila o ka MH 2021 me ka ho'ohālike pū 'ia aku i kā ka SPC i hō'ike ai ma kā lākou hō'ike'ike. Aia ka nui o nā mea o kā lākou mau wae'anona ma ka 'ao'ao papa hana pāheona, e nele ana na'e kekahi mau mea. Hiki nō ho'i ke ho'ololi 'ia kēia mau mea keu e like me ka mea e pono ai ma hope o ka ho'opihapiha a nānā 'ia o nā palapala "Hō'ike Hoihoi e Komo. Hiki ke kāpae 'ia nā koho e koho 'ole 'ia, a i 'ole paha ia, 'a'ole nō komo nui 'ia e like me ka mea e pono ai.

Ua wehewehe ka Luna Ho'omalulu Ka'anā'anā, 'o kekahi ke'ehina ko'iko'i ke kāka'ahi 'ana aku i ua palapala "Hō'ike Hoihoi e Komo" i nā po'o o nā hui i hik iā lākou ke hō'ike i nā mea a lākou e komo ana. He mea kēia e hiki ai iā kākou, ke kaumoku'āina mālama ho'olaule'a, ke ho'oholo pono i nā hana makepono ma luna o ka heluna mea komo.

Ua hō'ike ka Lālā Komikina Lum na ka Luna Ho'okele Ho'olaule'a Salā e ho'ouna i ia mau palapala me ka hana pū 'ana me ka SPC ma ka hō'oia i ka loa'a o ia mau palapala i nā pae moku Pākīpika a pau me ka no'ono'o i ka palena pau mua 'o ke 31 Iulai. Ua 'ōlelo pū 'o ia, 'ōlelo 'ia ka "mua" no ka mea, ua 'ike no ke ka'ulua paha o ka ho'okō 'ana.

Ua 'ōlelo ka Luna Ho'omalulu Ka'anā'anā, 'a'ole he ko'iko'i wale nō iā kākou, ke kaumoku'āina mālama ho'olaule'a, he ko'iko'i pū ia i nā alaka'i hui a me nā kaumoku'āina komo, 'oia, he kōkua ma ka 'ike i ke 'ano e ho'opa'a ai i ko lākou mau hui. He kōkua pū ia i ko lākou 'ike 'ana i nā hana e pono ai ka wae 'ia o nā kānaka hana no'eau a me nā kahu hana ku'una, a me ke kūkulu 'ana he mo'ohelu e lōkahi ana me nā 'ōnaehana mo'ohelu o ko lākou mau wahi.

Ua 'ōlelo ka Lālā Komikina Lum no kā lākou hana ho'ohālike a nānā ho'okahi me ka māhele papa hana ka'akālai me ka hō'ike pū i nā wahi kaulana ma nā māhele 'ehā. Ua hō'ike 'ia nā mea a lākou i 'ike ai he like ma ka 'ele'ele. A laila, he mau kakaha ma ka palapala no nā wae'anona e

ka'a ai a me nā 'ano hālāwai 'ē a'e e mālama ma'amau 'ia ana ma kēia 'ano ho'olaule'a, e la'a nā hālāwai komikina e like me ka CPAC, SPC, a pēlā aku. Kohu mea lā, ua lawa. 'O nā wahi e koe ana nā wahi i nānā pono'ī 'ole 'ia ma kā mākou mau wae'anona. Eia na'e, he mea nui ka hō'ike 'ia ma ka wae'anona AHA, e like me kona hō'ike 'ia ma nā wehewehena, ua pili kēia i ka wahi hō'ike'ike. 'A'ole i hō'ike pono'ī 'ia nā wahi kiko'ī, no laila, ua noa i ka hō'ike i ka noi'i a me nā 'ano hō'ike'ike kālai'ike 'ē a'e paha, ka 'ohi'ohi mana'o no nā nīnūnē Pākīpika paha, a me ke kūkā 'ana i nā hana ku'una na nā kahu hana ku'una o ka Pākīpika. He mau mea kēia e hiki ana, 'a'ole na'e i hō'ike pono'ī 'ia ma ka mana i 'āpono 'ia.

Ua hō'ike ke kōmike i ka mahalo i ka hō'ike'ike a ka SPC, oki loa i ka papa hana pāheona. Ua pani 'ia ma ka hō'ike, 'a'ohe hana hou aku e pono ai ka papa hana pāheona no ke kū 'ē o nā hana me kā ke komikina 'āpono mua 'ana.

Eia na'e, pili ka mana'o hāpai o ke kōmike i ka papa hana ka'akālai. Ua hāpai lākou e 'āpono ke komikina i ka iwi i hō'ike 'ia e ka SPC, me ka mana'o, ua pili wale nō ke kāko'o i loa'a no kekahi 'ano papa hana a ma 'ō aku o ka mea i 'āpono mua 'ia i nā wahi. I ho'ākāka, 'o nā wahi i hō'ike 'ia ma ka palapala ke'oke'o ma ka palapala nā mea e nānā 'ia, me ka no'ono'o 'ia o nā mea i hō'ike pono'ī 'ole 'ia ma ka mana i 'āpono 'ē 'ia, koe ka hō'ike'ike, i waiho 'ia pēlā me ka maopopo. Ke kia nei ke kōmike ma ka ho'ākāka i ko lākou kūpa'a 'ana, keu ho'i ma ke kāko'o kālā. Aia kēia mana'o hāpai i ka mana'o o ka Lālā Komikina Onishi, a ua hō'ike 'ia no ka hala 'ana o ka hālāwai i nā lālā 'ē a'e 'elua, he mau lālā nō na'e.

Ua hō'ike ka Lālā Komikina Onishi, no ka ho'ākāka wale nō, aia ke kāko'o 'ia o nā hō'ike'ike a me nā hanana 'ē a'e i hō'ike mua 'ia he māhele o ka iwi i nā hui ho'olālā. 'A'ole kahi 'ia ke kuleana pono'ī no ka ho'olauka'i hō'ike'ike a mea like paha. I la'ana, 'a'ole ka papa hana 'ōpio 'o kekahi mea a mākou e ho'olauka'i a e hō'ike'ike ai no mākou iho. 'Ike nō ho'i mākou i ka loa'a o kekahi papa hana nāna e alaka'i i kēia 'ano papa hana, a 'o ko mākou kuleana ke kāko'o ma ka loa'a o ka wahi. Eia hou, e kōkua paha mākou, ma ke alakau no nā lālā a ma ka ho'olako mea'ai paha, no nā lālā komo nō na'e. Eia na'e, he mea nui ka 'ike, aia kēia mau hanana, 'o ia ho'i nā hō'ike'ike, 'aha, a me nā hanana 'ē a'e i ka ho'olauka'i a kāko'o 'ia ma ke kālā e kekahi hui kū ka'awale.

Ua ho'ākāka hou 'o ia, ua kuleana ho'okahi lākou ma ka ho'olako i ka wahi a me ke kāko'o no nā lālā kāino a e komo ana i ka ho'olaule'a. Ua kālele 'ia ke kū 'ole o ko lākou kuleana i ka 'auamo hou aku i nā koina papa hana, e la'a ka ho'olauka'i me nā lālā komo. 'A'ole ka ho'olauka'i, ma waena o nā hana 'ē a'e, 'o ko lākou kuleana. Eia na'e, 'o kekahi hana a mākou e 'ae ana e pono e komo pololei ke kāko'o i nā hālāwai a nā alaka'i. Ma kona 'ano he māhele o kā mākou hana, 'o ka mālama 'ana a ke kia'āina, ka moku'āina, a i 'ole paha ke aupuni pekelala. He māhele kēia o ko lākou kuleana i ka ho'olaule'a.

Ua mahalo ka Lālā Komikina Lum i ka luna ho'omalū me ka 'ōlelo a'e, 'o ia ka pau 'ana o kā lākou mo'olelo a mana'o hāpai.

Ua makemake ka Luna Ho'omalū Ka'anā'anā e ho'ākāka i ka hō'ike'ike, a inā 'ele'ele ke kinona

hua, 'o ia kā mākou e ho'olālā a e kāko'o ana. No laila, 'a'ohē loli. 'O nā mea ma ke kinona hua ke'oke'o ka mea e no'ono'o 'ia nei. 'O ka mana'o hāpai o ke kōmike i ke komikina piha ke noi 'ana e 'āpono i ka iwi e like me kona hō'ike'ike 'ia ma 'ane'i, me ka hō'ike pū i nā mea ma ke kinona hua ke'oke'o, no ka wahi wale nō ia ma ko Hawai'i 'ao'ao. A e pono i ka mea ho'olauka'i ke ho'opa'a i ke kālā no nā lilo 'ē a'e e like me ka 'aukiō, mea'ai, meainu, a pēlā aku, ma o ke Kikowaena Hālāwai o Hawai'i. Ua ho'olimalima a ho'opa'a 'ē 'ia ke kikowaena holo'oko'a e ke komikina. Ho'omau ka Luna Ho'omalua Ka'anā'anā i ka hō'ike, mai ke kuana'ike lula, 'a'ole 'o ia 'ike inā e hiki iā ia ke noi, e no'ono'o nō na'e 'o ia i kā ke kōmike i hāpai ai e 'āpono i ka iwi ho'olālā ka'akālai me ka hō'ike 'ia o ka mana'o e nihi ai ka hele no ka pili o nā mea ma ke kinona hua ke'oke'o i ka wahi wale nō.

Ua noi ka Lālā Komikina Onishi. Ua kāko'o ka Lālā Komikina Lum. Ua nīnau ka Luna Ho'omalua Ka'anā'anā inā he kūkā hou aku. 'Ōlelo ka Lālā Komikina Onishi no kona makemake e hāpai, 'o kekahi o nā mea nui a ke kōmike ke alaka'i 'ia o ka papa hana ka'akālai e ka SPC a me ka CPAC ma ka hana pū 'ana me ke kaumoku'āina mālama ho'olaule'a, a ua 'ike ko Hawai'i i kona kuleana ma ke kōkua i ka mālama i ia mau hana papa hana ka'akālai. A eia hou, 'o ia ke kumu e 'ōlelo 'ia nei, ke ho'olako 'ia nei ka wahi, ke kāko'o i nā lālā komo, pono na'e e ho'olauka'i 'ia nā lilo no nā mea 'ē a'e ma o ka SPC a me ka CPAC, a mana'olana 'o ia, 'o ia ka mea a ka CPAC a me ka SPC e makemake ana.

Ua pane ka Luna Ho'omalua Ka'anā'anā no ko lāua 'o Mika Salā hō'oiā 'ana i ko lāua hō'ea 'ana i kekahi hālāwai SPC a me ka hāpai 'ana i kēia, a ma ka hō'oiā ma hope o ke koho 'ana o kēia lā, pehea lā ka hopena, mana'o 'o ia, 'o ia ke ala e holomua ai. No ke kūkā 'ole, ua mālama ka Luna Ho'omalua i ke koho pāloka ma ke kiko'ā. Ua koho ka Luna Ho'omalua Ka'anā'anā a me nā Lālā Komikina Keohokālole, Lum, McClellan, a me Onishi e 'āpono. Ua ho'oku'u 'ia nā Lālā Komikina Bento, Hussey, a me de Silva. Me ka loa'a o nā lālā i hō'ea, ua puka ke noi.

**HŌ'IKE'IKE, KŪKĀ, A KI'INA NO KA 'AELIKE PILI I KA HO'OKŪKŪ NOI KĀLĀ NO KA MEA MĀLAMA HO'OLAULE'A. KE WĀNANA NEI KE KOMIKINA, E KOMO I KA HĀLĀWAI HO'okele MA LALO O KA HRS §92-5(A)(4) E KŪKĀ AI ME KO KE KOMIKINA LOIO NO NĀ NĪNAU A NĪNŪNĒ NO KA MANA, KULEANA HO'OKŌ, KULEANA PŌMAIKA'I, KULEANA HO'OKU'U, A KULEANA UKU POHŌ O KE KOMIKINA.**

Ua hō'ike ka Luna Ho'omalua Ka'anā'anā no ka hō'ike mua 'ana o ka Luna Ho'okele Ho'olaule'a Salā i kāna nūhou no ka ho'okūkū noi kālā a no kona pūlima a ho'okō mua 'ia. No ka loa'a 'ole o kekahi hana, ua ho'opane'e 'ia kēia kumumana'o.

**'ŌLELO HŌ'IKE A KA LEHULEHU**

Ua kono ka Luna Ho'omalua i nā lālā o ke kaiaulu nui ākea e hāpai mana'o no nā kumumana'o. No ka 'ole, ua ho'omau akula i nā kumumana'o.

**NĀ HO'OLAHA**

Ua hō'ike ka Luna Ho'omalua Ka'anā'anā no ke noi 'ana o ka Lālā Komikina Hussey e kono i

Mo'olelo Hālāwai o ke Kōmike no ka Ho'olaule'a No'eau a Mo'omeheu Pākīpika 13  
Pō'akahi, 5 Iune, 2023, hola 3:00 'aui  
'Ao 'ao 7 o 7

ka po'e i ka hālāwai a ka OHA (Ke'ena Kuleana Hawai'i) e mālama ana no ka ho'olaha hale no ke Ke'ena Wakinekona D.C. Ua ka'ana 'ia he loulou ma ka pahu kolekole, a inā ua makemake e komo, e pono e ho'oka'a'ike ma o ke kono ho'olaha hale D.C. i lele mua ma ka pākū. Eia ka loulou no ka ho'opa'a noho: [www.oha.org/dcopenhouse](http://www.oha.org/dcopenhouse).

No ka 'ole, ho'omau akula ka Luna Ho'omalū i kekahi kumumana'o.


**KA HO'OPA'A HĀLĀWAI – 19 IUNE 2023**

Ua hō'ōia ka Luna Ho'omalū Ka'anā'anā i ka mālama 'ia o kekahi hālāwai ma ka lā 19 o Iune, 2023, ma ka hola 3:00 'aui. ma ka Zoom.

**HO'OKU'U**

Ua ho'oku'u ka Luna Ho'omalū Ka'anā'anā i ka hālāwai ma ka 4:43 'aui.

Me ke aloha,



Kalani Ka'anā'anā  
Luna Ho'omalū

15 Iulai 2023  
Lā